



博物志目錄

卷一

地理略自魏氏日已前夏禹治四方



地

山

水

山水總論

五方人氏

物產

卷二

外國

異人

異俗

異產

卷三

博物志目錄

卷一

卷二

異獸

異鳥

異蟲

異魚

異草木

卷四

物性

物理

物類

藥物

藥論

會忌

藥術

戲術

卷五

方士

服食

辯方士

卷六

人名攷

文籍攷

地理攷

典禮攷

樂攷

服飾攷

器名攷

物名攷

卷七

異聞

卷八

史補

卷九

雜說上

卷十

雜說下

目錄終

新刻博物志卷之一

長樂郡
振華書

晉 張華 茂先 撰

明 胡文煥 德父 校

余視山海經及禹貢爾雅說文地志雖曰悉備各有所不載者作略說出所不見粗言遠方陳山川位象吉凶有徵諸國境界犬牙相入春秋之後並相侵伐其土地不可具詳其山川地澤略而言之正國十二博物之士覽而鑒焉

地理略自魏氏日已前夏禹治四方而制之河圖括地象曰地南北三億三萬五千五百里地部

之位起形高大者有崑崙山廣萬里高萬一千里
神物之所生聖人仙人之所集也出五色雲氣五
色流水其泉南流入中國名曰河也其山中應于
天最居中八十城布繞之中國東南隅居其一分
是好城也

中國之城左濱海右通流沙方而言之萬五千里東
至蓬萊西至隴右右跨京北剡及衡岳堯舜土萬
里時七千里亦無常隨德劣優也

堯別九州舜爲十二

秦前有藍田之鎮後有胡苑之塞右峭函左隴蜀西

通流沙險阻之國也

蜀漢之土與秦同城南跨邛笮北阻襄斜西即隈礙
隔以劔閣窮險極峻獨守之國也

周在中樞西阻嶠谷東望荆山南面少室北有太嶽
三河之分風雷所起四險之國也

魏前枕黃河背障水瞻玉屋望梁山有藍田之寶澤
池之淵

趙東臨九州西瞻恒嶽有沃瀑之流飛壺井陘之險
至于潁陽涿鹿之野

燕却背沙漠進臨易水西至君都東至於遼長蛇帶

塞險陸相乘也

齊南有長城巨防陽閣之險北有河濟足以為固越海而東通于九夷西界岱嶽配林之險坂固之國也

魯前有淮水後有岱嶽蒙羽之向洙泗之流大野廣土曲阜尼丘

宋北有泗水南迄睢過有孟諸之澤礪山之塞也

楚後背方城前及衡岳左則彭蠡右則九疑有江漢之流實險阻之國也

南越之國與楚為鄰五嶺已前至于南海負海之邦

交趾之土謂之南裔

吳左洞庭右彭蠡後濱長江南至豫章水戒險阻之國也

東越通海處南北尾間之間三江流入南海通東治嵩海深險絕之國也

衛南跨于河北得洪水南過漢上左通魯澤右指黎山

讚曰

地理廣大 四海八方 遐遠別域 略以難詳
侯王設險 守固保疆 遠遮川塞 近備城隍

司察奸非 禁禦不良 勿恃危阨 恣其淫荒
無德則敗 有德則昌 安屋猶懼 乃可不亡
進用忠良 社稷永康 教民以孝 舜化以彰

地

天地初不足故女媧氏練五色石以補其闕斷鼇足
以立四極其後共工氏與顓頊爭帝而怒觸不周
之山折天柱絕地維故天後傾西北日月星辰就
焉地不滿東南故百川水注焉

崑崙山北地轉下三千六百里有八玄幽都方二十
萬里地下有四柱四柱廣十萬里地有三千六百

軸大牙相舉

泰山一名天孫言為天帝孫也主召人魂魄東方萬
物始成知人生命之長短

考靈耀曰地有四遊冬至地上北而西三萬里夏至
地下南而東三萬里春秋二分其中矣地常動不
止譬如人在舟而坐舟行而人不覺七戎八蠻九
夷八狄形總而言之謂之四海言皆近海海之言
晦昏無所睹也

地以名山為輔佐石為之骨川為之脉草木為之毛
土為之肉三尺以上為糞三尺以下為地

山

五嶽華岱恒衡嵩

按北太行山而北去不知山所限極處亦如東海不知所窮盡也

石者金之根甲石精流以生水水生木木含火

水

漢北廣遠中國人尠有至北海者漢使驃騎將軍霍

去病北伐單于至瀚海而還有北海明矣

周日用曰余聞

北海言蘇武牧羊之所去年德其通抵一池號北
蘇武牧羊常在于是耳此地見有蘇武湖非北
海濱之

漢使張騫渡西海至大秦西海之濱有小崑崙高萬

仞方八百里東海廣漫未聞有渡者

南海短狹未及西南夷以窮斷今渡南海至交趾者

不絕也

史記封禪書云威宣燕昭遣人乘舟入海有蓬萊方

丈瀛洲三神山神人所集欲採山藥蓋言先有至

之者其鳥獸皆白金銀為宮闕悉在渤海中去人

不遠

四瀆河出崑崙墟江出泯山濟出王屋淮出桐栢

八流亦出名山渭出鳥鼠漢出蟠冢洛出熊耳涇出

少室汝出燕泉泗出涪尾沔出丹台沃出太山水
有五色有濁有清汝南有黃水華山有黑水沔水
淵或生明珠而岸不枯山澤通氣以興雷雲氣觸
石膚寸而合不崇朝以雨
江河水亦名曰泣血道路涉骸於河以處也

山水總論

五嶽視三公四瀆視諸侯諸侯賞封內名山者通靈
助化位相亞也故地動臣叛名山崩玉道訖川竭
神去國隨已亡海投丸仞之魚流水涸國之大誠
也澤浮舟川水溢臣盛君衰百川沸騰山冢卒崩

高岸爲谷深谷爲陵小人握命君子陵遲白黑不
別大亂之徵也

援神契曰五嶽之神聖四瀆之精仁河者水之伯上
應天漢太山天帝孫也主召人魂東方萬物始成
故知人生命之長短

五方人民

東方少陽日月所出山谷清其人佼好
西方少陰日月所入其土竊冥其人高鼻深目多毛
南方太陽土下水淺其人太口多傲
北方太陰土平廣深其人廣面縮頸

中央四折風雨交山谷峻其人端正

南越巢居北朔穴居避寒暑也

東南之人食水產西北之人食陸畜食水產者龜蛤

螺蛤以為珍味不覺其腥臊也食陸者狸兔鼠雀

以為珍味不覺其膾也

有山者採有水者漁山氣多男澤氣多女平衍氣仁

高凌氣犯叢林氣蹙故擇其所居居在高中之平

下中之高則產好人

居無近絕溪羣冢狐蟲之所近此則死氣陰匿之處

也

山居之民多癭腫疾由於飲泉之不流者今荆南諸

山郡東多此疾瘡由踐土之無鹵者今江外諸山

縣偏多此病也盧氏曰不然也在山南人有之此

土然也如是不流泉

物產

地性含水土山泉者引地氣也山有沙者生金有穀

者生玉名山生神芝不死之草上芝為車馬中芝

為人形下芝為六畜土山多雲鐵山多石五土所

宜黃白宜種禾黑墳宜麥黍蒼赤宜菽芋下泉宜

稻得其宜則利百倍

和氣相感則生朱草山出象車澤出神馬陵出黑丹
阜出土恠江南大貝海出明珠仁主壽昌民延壽
命天下太平

名山大川孔穴相內和氣所出則生石脂玉膏食之
不死神龍靈龜行於穴中矣

神宮在高石沼中有神人多麒麟其芝神草有英泉
飲之服二百歲乃覺不死去瑯琊四萬五千里

三珠樹生赤水之上

負丘山上有不死樹食之乃壽有赤泉飲之不老多
人蛇爲人害不得居也

草

及先

新刻博物志卷之二

晉張華茂先撰

明胡文煥德父校

外國

夷海內西北有軒轅國在窮山之際其不壽者八百

歲渚沃之野鸞自舞民食鳳卵飲甘露

白民國有乘黃狀如狐背上有角乘之壽三千歲

君子國人衣冠帶劍使兩虎民衣野絲好禮讓不爭

土千里多薰華之草民多疾風氣故人不番息好

讓故為君子國

人蛇為人害不得居也

食之乃壽有赤泉飲之不老

三苗國昔唐堯以天下讓於虞三苗之民非之帝殺
有苗之民叛浮入南海爲三苗國

驩兜國其民盡似仙人帝堯司徒驩兜民常捕海島
中人面鳥口去南國萬六千里盡似仙人也

大人國其人孕二十六年生白頭其兒則長大能乘
雲而不能走蓋龍類去會稽四萬六千里

厭光國民光出口中形盡似猿猴黑色

結胸國有滅蒙鳥奇肱民善爲扞扞以殺百禽能爲
飛三從風遠行湯時西風至吹其車至豫州楊破
其車不以視民十年東風至乃復作車遣返而其

國去玉門關四萬里

羽民國民有翼飛不遠多鸞鳥民食其卵去九疑四
萬三千里

穿胃國昔禹平天下會諸侯會稽之野防風氏後到
殺之夏德之盛二龍降之禹使范成光御之行域
外既周而還至南海經房風房風之神二臣以塗
山之戮死禹使怒而射之迅風雷雨二龍昇去二
臣恐以刃自貫其心而死禹哀之乃拔其刃療以
不死之草是爲穿胃國

交趾民在穿胃東

孟舒國民人首鳥身其先主爲雲氏訓百禽夏后之
世始食卵孟舒去之鳳凰隨焉

異人

河圖玉版云龍伯國人長三十丈生萬八千歲而死
大秦國人長十丈中秦國人長一丈臨洮人長三
丈五尺

禹致宰臣於會稽防風氏後至戮而殺之其骨專車
長狄喬如身橫九畝長五丈四尺或長十丈

秦始皇二十六年有大人十二見于臨洮長五丈足
迹六尺東海之外大荒之中有大人國樵燒氏長

三丈時含神霧

日東北極人長九丈

東方有塘螂沃焦防風氏長三丈短人處九寸遠夷
之名雕題黑齒穿曾擔耳天竺歧首

子利國人一手二足拳反曲

無啓民居穴食土無男女死埋之其心不朽百年還
化爲人細民其肝不朽百年而化爲人皆穴居處
二國同類也

蒙雙民昔高陽氏有同產而爲夫婦帝放之此野相
抱而死神鳥以不死草覆之七年男女皆活同類

二頭四手是蒙雙民

有一國亦在海中純女無男又說得一布衣從海浮

出其身如中國人衣兩袖長二丈又得一破船隨

波出在海岸邊有一人項中復有面生得與語不

相通不食而死其地皆在沃沮東大海中

南海外有鮫人水居如魚不廢織績其眠能泣珠

嘔絲之野有女子方跪據樹而嘔絲北海外也

江陵有猛人能化為虎俗又云虎化為人好著紫葛

人足無踵

日南有野女羣行見丈夫狀晶目裸袒無衣禱

異俗

越之東有駭沐之國其長子生則解而會之謂之宜

弟父死則負其母而棄之言鬼妻不可與同居

用曰既其母為鬼妻則其為鬼子亦合棄之矣是

以蠻夷於禽獸犬豕一等矣禽獸犬豕之徒猶應

也乃然也楚之南有炎人之國其親王宮蓋之肉而棄之然後

埋其骨乃為孝也

秦之西有義渠國其親戚死聚柴積而焚之勲之即

煙上謂之登遐然後為孝此上以為政下以為俗

中國未足為非也此事見墨子周日用曰此事無幾佛國之法且如

是乎中國之
徒亦如此也

荊州極西南界至蜀諸民曰獠子婦人妊娠七月而
產臨水生兒便置水中浮則取養之沉便棄之然
千百多浮既長皆拔去上齒牙各一以爲身飾
毋丘儉遣王領追高句麗王宮盡沃沮東界問其耆
老言國人常乘船捕魚遭風吹數十日東得一島
上有人言語不相曉其俗常以七夕取童女沈海
交州夷名曰俚子俚子屍長數尺箭長尺餘以焦銅
爲鏑塗毒藥於鏑鋒中人即死不時歛藏即胈脹
沸爛須臾焦煎都盡唯骨耳其俗誓不以此藥治

語人治之飲婦人月水及糞汁時有差者唯射猪
犬者無他以其食糞故也焦銅者故燒噐其長老
唯別焦銅聲以物杵之徐聽其聲得焦毒者偏鑿
取以爲箭鏑

景初中蒼梧吏到京云廣州西南接交州數郡桂林
晉興寧浦間人有病將死便有飛蟲大如小麥或
云有甲在舍上人氣絕來食亡者雖復撲殺有斗
斛而來者如風雨前後相尋續不可斷截舩肉都
盡唯餘骨在更去盡貧家無相纏者或殞殮不時
皆受此弊有物力者則以衣服布帛五六重裹亡

者此蟲惡梓木氣即以板郵防左右并以作器此
蟲便不敢近也入交界更無轉近郡亦有但微少
耳

異產

漢武帝時弱水西國有人乘毛車以渡弱水來獻香
者帝謂是常香非中國之所乏不禮其使畱久之
帝幸上林苑西使千乘輿聞并奏其香帝取之看
大如鸞鳥卵三枚與棗相似帝不悅以付外庫後長
安中大疫宮中皆疫病帝不舉樂西使乞見請燒
所貢香一枚以辟疫氣帝不得已聽之宮中病者

登日並差長安中百里咸聞香氣芳積九月餘日
香由不散乃厚禮發遣餞送

一說漢制獻香不滿斤西使臨去乃發香氣如大豆
者拭著宮門香氣聞長安數十里經數日乃歇

漢武帝時西海國有獻膠五兩者帝以付外庫餘膠
半兩西使佩以自隨後從武帝射於甘泉宮帝弓
弦斷從者欲更張弦西使乃進乞以所送餘香膠
續之座上左右莫不恠西使乃以口濡膠爲以注
斷弦兩頭相連注弦遂相著帝乃使力士各引其
一頭終不相離西使曰可以射終日不斷帝大恠

左右稱竒因名曰續弦膠

周書曰西域獻火浣布昆吾氏獻切玉刀火浣布汗則燒之則絜刀切玉如臈布漢世有獻者刀則未聞

魏文帝黃初三年武都西都尉王褒獻石膽二十斤四年獻三斤

臨邛火井一所從廣五尺深二三丈井在縣南百里昔時人以竹木投以取火諸葛丞相往視之後火轉盛熱盆蓋井上煮鹽得鹽入以家火即滅訖今不復燃也酒泉延壽縣南山名火泉火出如爐

徐公曰西域使王暢說石流黃出足彌山去高昌八
百里有石流黃數十丈從廣五六十畝有取流黃
晝視孔中上狀如煙而高數尺夜視皆如燈光明
高尺餘暢所親見之也言時氣不和皆往保比山

畫殿中上非吸獸而高樓又外殿皆設殿
百里其以流黃樓十丈并置正六十
斜公同四海新王神道以流黃出及
駝山去其四

新刻博物志卷之三

晉 張 華 茂先 撰

明 胡文煥 德父 校

異獸

漢武帝時大苑之北胡人有獻一物大如狗然聲能
驚人雞犬聞之皆走名曰猛獸帝見之恠其細小
及出苑中欲使虎狼食之虎見此獸即底頭著地
帝爲反觀見虎如此欲謂下頭作勢起搏殺之而
此獸見虎甚喜舐唇搖尾徑往虎頭上立因搗虎
面虎乃閉目低頭匍匐不敢動搗鼻下去下去之

後虎尾下頭去此獸顧之虎輒閉目

後魏武帝伐冒頓經白狼山逢獅子使人格之殺傷甚衆王乃自率常從軍數百擊之獅子哮吼奮起左右咸驚王忽見一物從林中出如狸起上王車輒師子將至此獸便跳起上師子頭上即伏不敢起於是遂殺之得師子一還來至洛陽三千里雞犬皆伏無鳴吠

魏武伐冒頓經白狼山逢獅子使格之見一物從竹中出如狸上帝車輒上獅子將至便跳上獅子頭獅子伏不敢起遂殺之得獅子還至四十里雞犬

皆無鳴吠

德甫曰以重出而逸其半

九真有神牛乃生谿上黑出時共鬪即海沸黃或出鬪岸上家牛皆怖人或遮則霹靂號曰神牛

昔日南貢四象各有雌雄其一雄死於九真乃至南海百有餘日其雌塗土著身不飲食空草長史問其所以聞之輒流涕矣

越雋國有牛稍割取肉牛不死經日肉生如故大宛國有汗血馬天馬種漢魏西域時有獻者文馬赤鬣身白似若黃金名古黃之乘復剗之露犬也能飛食虎豹

蜀山南高山上存物如獼猴長七尺能人行健走名曰猴獮一名化或曰猴獮同行道婦女有好者輒盜之以去人不得知行者或每過其旁皆以長繩相引然故不免此得男女氣自死故取男也取去爲室家其年少者終身不得還十年之後形皆類之意亦迷惑不復思歸有子者輒俱送還其家產十皆如人有不食養者其母輒死故無敢不養也及長與人不同皆以楊爲姓故今蜀中西界多謂楊率皆猴獮化之子孫時時相有獮瓜者也

小山有獸其形如鼓一足如蠡澤有委蛇狀如轂長如轅見之者霸
猩猩若黃狗人面能言

異鳥

崇丘山有鳥一足一翼一目相得而飛名曰玄見則吉良乘之壽千歲

比翼鳥一青一赤在參嶠山

有鳥如鳥又首白喙赤足曰精衛故精衛常取西山之木石以填東海

越地深山有鳥如鳩青色名曰冶鳥穿大樹作巢如井器其戶口徑數寸周飾以土壘赤白相次狀如

射侯伐木見此樹即避之去或夜冥人不見鳥鳥亦知人不見已也鳴曰咄咄去明日便宜急上樹去咄咄下去明日便宜急下若使去但言笑而不已者可止伐也若有穢惡及犯其止者則虎通夕來守人不知者即害人此鳥白日見其形鳥也夜聽其鳴人也時觀樂便作人悲喜形長三尺澗中取石蟹就人火間炙之不可犯也越人謂此鳥為越祝之祖

異蟲

南方有落頭蟲其頭能飛其種人常有所祭祀號曰

蟲落故因以之馬以其飛因服便去以耳為翼將曉還復着體吳時往往得此人也

江南山谿中水射上蟲甲類也長一二寸口中有弩

形氣射人影隨所著處發瘡不治則殺人今鸚鵡

蟲溺人影亦隨所著處生瘡盧氏曰以鷄腸草搗

曰萬物皆有所相感愚聞以霹靂木擊鳥影其鳥應時落地雖未嘗試以是類之必有之

蝮蛇秋月毒盛無所蜇螫草木以泄其氣草木即

死人樵採設為草木所傷刺者亦殺人毒治於蝮

齧謂之蛇迹也

華山有蛇名肥遺六足四翼見則天下大旱

常山之蛇名率然有兩頭觸其一頭頭至觸其中則
兩頭俱至孫武以喻善用兵者

異魚

南海有鯨魚狀似鼉斬其頭而乾之去齒而更生如
此者三乃止

東海中有半體魚其形狀如牛剥其皮懸之潮水至
則毛起潮去則毛伏

東海蛟錯魚生子子驚還入母腸尋復出

吳王江行食鱠有餘棄於中流化為魚今魚中有名
吳王鱠餘者長數寸大者如筋猶有鱠形

廣陵陳登食膾作病華佗下之膾頭皆成蟲尾猶足

膾

東海有物狀如凝血從廣數尺方圓名曰鮓魚無頭
目處所內無藏衆蝦附之隨其東西人煮食之

異草木

太原晉陽以化生屏風草

海上有草焉名篩其實食之如大麥七月稔熟名曰
自然穀或曰禹餘糧

篩音師

堯時有屈佚草生於庭倭人入朝則屈而指之一名
指倭草

右詹山帝女化為詹草其葉鬱茂其華黃實如豆服者媚於人

止此山多竹長千仞鳳食其實去九疑萬八千里江南諸山郡中大樹斷倒者經春夏生菌謂之椹食之有味而忽毒殺人云此物往往自有毒者或云蛇所著之楓樹生者啖之令人笑不得止治之飲土漿即愈

新刻博物志卷之三

新刻博物志卷之四

晉張華茂先撰

明胡文煥德父校

物性

九竅者胎化八竅者卵生龜鼈皆此類或卵生影伏白鷓雄雌相視則孕或曰雄鳴上風則雌孕

兔舐毫望月而孕口中吐子舊有此說余司所見也大腰無雄龜鼈類也無雄與蛇通氣則孕細腰無雌蜂類也

取桑蠶則阜螽子呪而成子詩云螟蛉之子裸羸負

之是也

蠶三化先孕而後交不交者亦產子子後為鑿皆無
眉目易傷收採亦薄

鳥雌雄不可別翼右掩左雄左掩右雌二足而翼謂
之禽四足而毛謂之獸

鵲巢門戶背太歲得非才智也

鸛雉長毛雨雪惜其尾栖高樹杪不敢下食往往餓

死時魏景初中天下所說

鸛水鳥也伏卵時卵冷則不沸取礬石周繞卵以時
助燥氣故方術家以鸛巢中礬石

山鷄有美毛自愛其色終日映水目眩則溺死

龜三千歲遊于蓮葉巢於卷耳之上

屠龜解其肌肉唯腸連其頭而經日不死猶能蓄物
鳥往食之則為所得漁者或以張鳥神蛇復續

蟻螭以背行快於足用

周官云貉不度汶水鸛不渡濟水魯國無鸛鴝來巢
記異也

橘渡江北化為枳今之江東甚有枳橘
百足一名馬蟻中斷成兩段各行而去

物理

九月暈隨灰畫之隨所畫而開淮南子云未詳其法

麒麟闢而日蝕鯨魚死則慧星出嬰兒號婦乳出

莊子云地三年種蜀黍其後七年多蛇

積艾草三年後燒津液下流成鉛錫已試有驗

煎麻油水氣盡無煙不復沸則還冷可內手攪之得

水則焰起散卒不滅此亦試之有驗

庭州灑水以金銀鐵器盛之皆漏唯瓠葉則不漏

龍肉以醢漬之則文章生

積油滿萬石則自然生火武帝泰始中武庫火積油

所致

物類

燒鉛錫成胡粉猶類也

燒丹朱成水銀則不類物同類異用者

石 魏文帝所記諸物相似亂者

武夫恠石似美玉 蛇牀亂藤蕪

薺茺亂人參 杜衡亂細辛

雄黃似石流黃 鱖魚相亂以有大小相異

敵休亂門冬 百部似門冬

房葵似狼毒 鈎吻草與苻華相似

拔楔與草薺相似一名狗脊

藥物

烏頭天雄附子一物春秋冬夏採各異也

遠志苗曰小草根曰遠志

芎藭苗曰江離根曰芎藭

菊有二種苗花如一唯味小異苦者不中食

野葛食之殺人家葛種之三年不収後旅生亦不可

食

神仙傳云松栢脂入地千年化為茯苓茯苓化為琥

珀琥珀一名江珠今泰山出茯苓而無琥珀益州

永昌出琥珀而無茯苓或云燒蜂巢所作未詳此

二說

地黃藍首斷心分根菜種皆生女蘿寄生兔絲兔絲

寄生木上生根不著地

董花朝生夕死

藥論

神農經曰上藥養病謂五石之練形六芝之延年也

中藥養性合歡蠲忿萱草忘憂下藥治病謂大黃

除實當歸止痛夫命之所以延性之所以利痛之

所以止當其藥應以痛也律其藥失其應即怨天

尤人設鬼神矣

神農經曰藥物有大毒不可入口鼻耳目者即殺人

一曰鈎吻盧氏曰陰也黃精不相連根苗獨生者

命赤色著木懸其子山海中曰曰肉童狀如鷲亦

生海中五曰鳩羽如雀黑頭赤喙亦曰鳩地生海

神農經曰藥種有五物一曰狼毒占斯解之二曰巴

豆藿汁解之三曰黎盧湯解之四曰天雄烏頭大

豆解之五曰斑茅戎鹽解之毒采害小兒乳汁解

先食飲二升

食忌

人啖豆三年則身重行止難

啖榆則眠不欲覺

啖麥稼令人力健行

飲真茶令人少眠

人常食小豆令人肥肌麓燥

食鷲麥令人骨節斷解

人食鷲肉不可入水為蛟龍所吞

人食冬葵為狗所齧瘡不差或致死

馬食穀則足重不能行

鴈食粟則翼重不能飛

藥術

胡粉白石灰等以水和之塗鬢鬚不白塗訖著油單裏令溫煖候欲燥未燥間洗之湯則不得著晚則多折用煖湯洗訖澤塗之欲染當熟洗鬢鬚有膩不著藥臨染時亦當拭鬢燥溫之

陳葵子微火炒令爆啞散著熟地遍蹋之朝種暮生遠不過經宿耳

陳葵子秋種覆蓋令經冬不死春有子也周日用曰愚聞熟地

植生菜蘭擣石流黃篩於其上以盆覆之即時可待又以變白牡丹為五色皆以沃其根以紫草汁則變之紫紅花汁則變紅並未試於理可焉此出爾雅

燒馬蹄羊角成灰春夏散著濕地生羅勒

蟹漆相合成為神仙藥服食方云

戲術

削木令圓舉以向日以艾於後成其影則得火

取火法如用珠取火多有說者此未試

神農本草云雞卵可作琥珀其法取伏卵段黃白渾雜者煮及尚軟隨意刻作物以苦酒漬數宿既堅內著粉中佳者乃亂真矣此世所怕用作無不成者

燒白石作白灰既訖積著地經日都冷遇雨及水澆即更燃煙焰起

五月五日埋蜻蜓頭於西向戶下埋至三日不食則
化成青真珠又云埋於正中門
蜥蜴或名蝮蛇以器養之以朱砂體盡赤所食滿七
斤治擣萬杵點女人支體終年不滅唯房室事則
滅故號守宮傳云東方朔語漢武帝試之有驗
取鼈挫令如碁子大擣赤莧汁和合厚以茅苞五六
日中作投地中經旬鸞鸞盡成鼈也

新刻博物志卷之四

新刻博物志卷之五

晉 張 華 茂先 撰
明 胡文煥 德父 校

方士

魏武帝好養性法亦解方藥招引四方之術士如左
元放華佗之徒無不畢至
周日用曰曹雖好奇而
心道異如何招引方術
之人乎如囚左元放而兼見殺者若非變化已至
滅身故有道者不合親之矣既要試術即可乎

魏王所集方士名

上黨王真

隴西封君連

甘陵甘始

魯女生

燕國華佗字元化

東郭延年

唐霄

冷壽光

河南卜式

張貂

薊子訓

汝南費長房

鮮奴辜

魏國軍吏河南趙聖卿

陽城郤儉字孟節

廬江左慈字元放

右十六人魏文帝東阿王仲長統所說皆能斷穀不

食分形隱沒出入不由門戶左慈能變形幻人視

聽厭刻鬼魅皆此類也周禮所謂恠民王制稱挾

左道者也

魏時方士甘陵甘始

廬江有左慈陽城有郤儉始能行氣導引慈曉房中

之術善辟穀不食悉號二百歲人凡如此之徒武

帝皆集之於魏不使遊散甘始老而少容曹子建

密問其所行始言本師姓韓字世雄嘗與師於南

海作金投數萬斤於海又取鯉魚一雙鯉遊行沉

浮有若處淵其無藥者已熟而食言此藥去此踰

遠萬里已不可行不能得也

皇甫隆遇青牛道士姓封名君達其餘養性法即可

放用大略云體欲寧少勞無過虛食去肥濃節酸

詳別篇武帝行之有效

文帝典論曰陳思王曹植辯道論云世有吾王悉招至之甘陵有甘始廬江有左慈陽城有郗儉始能行氣儉善辟穀悉號三百歲人自王與太子及余之兄弟或以為調笑不全信之然嘗試郗儉辟百日猶與寢處行步起居自若也夫人不食七日則死而儉乃能如是左慈修房中之術善可以終命然非有至情莫能行也甘始老而少容自諸術士咸共歸之王使郗孟節主領諸人

近魏明帝時河東有焦生者裸而不衣處火不焦入

水不凍杜恕為太守親所呼見皆有實事周日用曰焦孝

然邊河居一卷大雪庵倒人已為死而視之蒸氣於雪略無變色時或折薪惠人而已故魏書云自義皇以來一人而已

穎川陳元方韓元長時之通才者所以並信有仙者

其父時所傳聞河南密縣有成公其人出行不知

所至復來還語其家云我得仙因與家人辭訣而

去其步漸高良久乃沒而不見至今密縣傳其仙

去二君以信有仙蓋由此也周日用曰豈惟三子乎

桓譚新論說方士有董仲君罪繫獄伴死臭自陷出

既而復生

黃帝問天老曰天地所生豈有食之令人不死者乎

天老曰太陽之草名曰黃精餌而食之可以長生

太陰之草名曰鉤吻不可食入口立死人信鉤吻

之殺人不信黃精之益壽不亦惑乎周日用曰草既後人仍無

益壽者也若殺人無驗則益壽不可信矣

服食

左元放荒年法擇大豆麤細調勻必生熟按之令有

光煙氣徹豆心內先不食一日以冷水頓服訖其

魚肉菜果不得復經口渴即飲水慎不可煖飲初

小困十數日後體力壯健不復思食

鮫法服三升為劑亦當隨入先食多少增損之盛豐

欲還者煮葵子及脂蘇服肉羹漸漸飲之須豆下

乃可食豆未盡而以實物腸塞則殺人矣此未試

或可以然○周日用曰一法膈塗黏餅炙餅令熱即塗之以意量多少即食之如常渴即

飲冷水忌熱茶耳

孔子家語曰食水者乃耐寒而苦浮食土者無心不

息食木者多而不治食石者肥澤而不老食草者

善走而愚食桑者有緒而蛾食肉者勇而悍食氣

者神明而壽食穀者智慧而天不食者不死而神

仙傳曰雖食者百病妖邪之所鍾焉

西域有葡萄酒積年不敗彼俗云可十年飲之醉彌

月乃解

所食逾少心開逾益所食逾多心逾塞年逾損焉

辨方士

漢淮南王謀反被誅亦云得道輕舉

周日用曰漢書云淮南自刑應

不然乎得道經舉非虛事也至今維揚境內馬迹猶存且曰與成公同處皆上品真人耳既談道德肯圖叛逆之事况恒行陰旨好書鼓不善弋獵淮南內書言神仙黃白之術去反事遠矣夫古今書傳多熟仙道者慮帝王公侯廢萬機而慕其道故隱而不書唯若瞞不可掩而云二百歲後西遊流沙不矢所之庚書云蜀有女道士謝白然白日上昇北外歷代史籍未嘗言也

鈞弋夫人被殺於雲陽而言尸解柩空

周日用曰史云夫人被火

風拔對揚沙揭石亦不云尸解柩空

文典論云議郎李覃學郗儉辟穀服茯苓飲水中不

寒洩痢殆至殞命覃祭酒弘農董芬學其始鷓視

狼頭呼吸吐納為之過差氣閉不通良久乃蘇寺

人巖峻就左慈學補道之術闔豎真無事於斯而

逐聲若此

又云王仲統云其始左元放東郭延年行容成御婦

人法並為丞相所錄間行其術亦得其驗降就道

士劉景受干雲母九子元方年三百歲莫之所在

武帝恒御此藥亦云有驗劉德治淮南王獄得枕
中鴻寶秘書及子向咸而奇之信黃白之術可成
謂神仙之道可致卒亦無驗乃以罹罪也周日用
之道學之匪一朝一夕而可得黃白者也仍須
有分昇騰者應須有骨安可偶然而得効也
劉根不覺饑渴或謂能忍盈虛王仲都當盛夏之月
十爐火炙之不熱當嚴冬之時裸之而不寒恒山
君以為性耐寒暑恒山以無仙道好奇者為之前
者已述焉

司馬遷云無堯以天下讓許由事楊雍亦云誇大者
為之楊雍又云無仙道桓譚亦同

新刻博物志卷之六

晉 張華 茂先 撰

明 胡文煥 德父 校

人名攷

昔彼高陽是生伯鯨布土取帝之息壤以填洪水

殷三仁微子箕子比干

文王四友南宮括散宜生閎夭太顛仲尼四友顏淵

子貢子路子張

曹參字伯敬

蔡伯喈母袁公妹曜鄉姑也

古之善射者其蠅蠅之弟子曰飛衛

平原管輅善卜筮解鳥語

蔡邕有書萬卷漢末年載數車與王粲粲亡後相國
椽魏諷謀反粲子與焉既被誅邕所與粲書悉入
粲族子葉字長緒即正宗父正宗即輔嗣兄也初
粲與族兄凱避地荊州依劉表表有女表愛粲才
欲以妻之嫌其形陋周率乃謂曰君子過人而體
貌躁非女聳才凱有風貌乃妻凱生葉即女所生
太丘長陳寔寔子鴻臚卿紀紀子司空羣羣子泰四
世於漢魏今朝有重名而其德漸小減故時人為

其語曰公慚卿卿慚長

文籍攷

聖人制作曰經賢者著述曰傳鄭玄注毛詩曰箋不
解此意或云毛公嘗為北海郡守玄是此郡人故
以為敬

何休注公羊傳云何氏學又不能解者或答云休謙
詞受學於師乃宣此義不出於已此言為允

太古書今見存有神農經山海經或云禹所作周易

蔡邕云禮記月令周公作

周日用曰禮記疏云第
一是呂不韋春秋明呂

氏所制蔡邕云
周公未之詳也

謚法司馬法周公所作

余友下邳陳德龍謂余言曰靈光殿賦南郡宜城王子山所作子山嘗之泰山從鮑子真學筭過魯國而都殿賦之還歸本州溺死湘水時年二十餘也

地理攷

周自后稷至于文武皆都關中號為宗周秦為阿房殿在長安西南二十里殿東西千步南北三百步上可以坐萬人庭中受十萬人二世為趙高所殺於宜春宮在杜城南三里葬於旁周時德澤盛蒿大以為宮柱名曰蒿宮

美厚祠祠在墉城長安西南三十里

盜跖冢在大陽縣西

趙鞅冢在臨水縣界

始皇陵在驪山之北高數十丈周迴六七里今在陰

盤縣界北陵雖高大不足以銷六丈冰背陵郭使

東西流又此山名運取大石於渭北渚故歌曰運

石甘泉口渭水為不流千人唱萬人鈞金陵餘石

大如堰土屋其銷功力皆如此類盧氏曰秦氏奢

寶多致高作陵園山者從難發也高則難上固則難攻項羽爭衡之時發其陵未詳其至棺否

舊洛陽字作水邊各火行也忌水故去水而加佳又

魏於行次爲土水得上而流土得水而柔故復佳
加水變雉爲洛焉

洞庭君山帝之二女居之曰湘夫人又荊州圖經曰
湘君所遊故曰君山

南荊賦江陵有臺甚大而有一柱衆木皆拱之

典禮攷

三讓一曰讓禮二曰固讓三曰終讓

漢丞秦羣臣上書皆曰昧死言

王莽盜位慕古去昧死曰稽首光武因而不改

肉刑明王之制荀卿每論之至漢文帝感太倉公女

之言而廢之班固著論宜復迄漢末魏初陳紀又
論宜申古制孔融云不可復欲申之鍾繇王朗不
同遂寢夏侯玄李勝曹羲丁謚建私議各有彼此
多去時未可復故遂寢焉

上公備物九錫一大輅各一玄牡二駟二裘冕之服
赤舄副之三軒懸之樂六佾之舞四朱戶以居五
納陛以登六虎賁之士三百人七鈇鉞各一八彤
弓一彤矢百茲弓十茲矢千九秬鬯一卣珪瓚副
之

樂攷

漢末喪亂無金石之樂魏武帝至漢中得杜夔所造
始後設軒懸鐘磬至於今用之於夔也

服飾攷

漢末喪亂絕無玉佩始復作之今之玉佩受於王粲
古者男子皆絲衣有故乃素服又有冠無幘故雖凶
事皆著冠也

漢中興士人皆冠葛巾建安巾

魏武帝造白帽於是遂廢唯二學書生猶著也

器名攷

寶劍名鈍鉤湛盧豪曹魚腸巨闕五劍皆歐冶子所

作龍泉太阿上市

三劍皆楚王者

風胡子因吳請干將歐冶子作干將陽龍文莫邪陰
漫理此二劍吳王使干將作莫邪干將妻也夫妻甚喜

作劍也

赤刀周之寶器也

物名攷

古駿馬有飛兔腰裏

周穆王八駿 赤驥 飛黃 白蟻 華駟

騶駼 渠黃 騄耳 盜驪

唐公有驕驕

項羽有騅周日用曰曹公有流影而呂有赤兔皆後來有良駿也

周穆王有犬名耗毛白

晉靈公有畜狗名獒

韓國有黑犬名盧

宋有駿犬曰雒

犬四尺為獒

張騫使西域還乃得胡桃種

徐州人謂塵土為蓬塊吳人謂跋跌

新刻博物志卷之六

新刻博物志卷之七

晉張華茂先撰

明胡文煥德父校

異聞

昔夏禹觀河見長人魚身出白吾河精豈河伯也

馮夷華陰潼鄉人也得仙道化為河伯豈道同哉仙

夷乘龍虎水神乘魚龍其行恍惚萬里如室

夏桀之時為長夜宮於深谷之中男女雜處十旬不

出聽政天乃大風揚沙一夕填此空谷又云石室

瑤臺闕龍逢諫桀言曰吾之有民如天之有日日

亡我則亡以爲龍逢妖言而殺之其後山復於谷
下及在上耆老相與諫桀又以爲妖言而殺之
夏桀之時費昌之河上見二日在東者爛爛將起在
西者沉沉將滅若疾雷之聲昌問於馮夷曰何者
爲殷何者爲夏馮夷曰西夏東殷於是費昌徙疾
歸殷

武王伐紂至盟津渡河大風波武王操戈秉麾麾之
風波立霽

魯陽公與韓戰酣而日暮授戈麾之日日反三舍
太公爲灌壇令武王夢婦人當道夜哭問之曰吾是

東海神女嫁與西海神童今灌壇令當道廢我行
我行必有大風雨而太公有德吾不敢以暴風雨
過是毀君德武王明日召太公三日三夜果有疾
風暴雨從太公邑外過

晉文公出大蛇當道如拱文公反修德使吏守蛇吏
夢天殺蛇曰何故當聖君道覺而視蛇則自死也
齊景公伐宋過泰山夢二人怒公謂太公之神晏子
謂宋桓湯與伊尹也爲言其狀湯皙容多髮伊尹
黑而短即所夢也景公進軍不聽軍鼓毀公怒散
軍伐宋

徐偃王志云徐君宮人娠而生郊以為不祥棄之水濱獨孤母有犬名鵠蒼獵於水濱得所棄郊啣以東歸獨孤母以為異覆煖之遂成兒生時正偃故以為名徐君宮中聞之乃更錄取長而仁智襲君徐國後鵠蒼臨死生角而九尾實黃龍也偃王又葬之徐界中今見狗襲偃王既其國仁義著聞欲舟行上國乃通溝陳蔡之間得朱弓矢以已得天瑞遂因名為弓自稱徐偃王江淮諸侯皆伏從伏從者三十六國周王聞遣使乘駟一日至楚使伐之偃王仁不忍聞言其民為楚所敗逃走彭城

武原縣東山下百姓隨之者以萬數後遂名其山為徐山山上立石室有神靈民人祈禱今皆見存海水西夸父與日相逐走渴飲水河謂不足北飲大澤未至渴而死棄其策杖化為鄧林

澹臺子羽渡河齎千金之璧于河河伯欲之至陽侯波起兩蛟挾船子羽左操璧右操劍擊蛟皆死既渡三投璧于河河伯躍而歸之子羽毀而去

荆軻字次非渡鮫夾船次非不奏斷其頭而風波靜

除

周日用曰余嘗行經荆將軍墓與羊角哀冢鄰若安伯施云為荆將軍所伐乃在此也其地在荊陵之源求見其墓碑將軍名乃作次飛字也

東阿王勇士有著丘訢過神淵使飲馬馬沉訢朝服
拔劍二日一夜殺二蛟一龍而出雷隨擊之七日
夜眇其左目

漢滕公薨求葬東都門外公鄉送喪駟馬不行踟地
悲鳴跑蹄下地得石有銘曰佳城鬱鬱三千年見
白日吁嗟滕公居此室遂葬焉

衛靈公葬得石槨銘曰不逢箕子靈公奪我里

漢西都時南宮寢殿內有醇儒王史威長死葬銘曰
明明哲士知存知亡崇隴原壘非寧非康不封不
樹作靈乘光厥銘何依王史威長

元始元年中謁者沛郡史岑上書訟王宏奪董賢璽
綬之功靈帝和光元年遼西太守黃翻上言海邊
有流屍露冠絳衣體貌完全使翻感夢云我伯夷
之弟孤竹君也海水壞吾棺槨求見掩藏民有襁
褌視皆無疾而卒

漢末關中大亂有發前漢時冢者人猶活既出平復
如舊魏郭后愛念之錄著宮內常置左右問漢時
宮中事說之了了皆有次序后崩哭泣過禮遂死
焉

漢末發范友明冢奴猶活友明霍光女孫說光冢事

廢立之際多與漢書相似此奴常遊走於民間
止住處今不知所在或云尚在余聞之於人可信
而目不可見也

大司馬曹休所統中郎謝璋部曲義兵奚儂恩女年
四歲病後故埋墓五日復生太和三年詔令休便
父母同時送女來視其年四月三日病死四日埋
葬至八日同墟感冰藥聞兒生活今能飲食如常
京兆都張潛客居遼東還後為馱陽都尉關內侯表
言故為諸生太學時聞故太尉常山張顥為梁相
天新雨後有鳥如山鵲飛翔近地市人擲之稍下

墜民爭取之即為一圓石言縣府顥令搥破之得
一金印文曰忠孝侯印顥表上之藏於官庫後議
郎汝南樊行夷校書東觀表上言堯舜之時舊有
此官今天降印宜可復置

孝武建元四年天雨粟孝元景寧元年南陽陽郡雨
穀小者如黍粟而青黑味苦大者如大豆赤黃味
如麥下三日生根葉狀如大豆初生時也

代城始築立板幹一旦亡西南四五十板於澤中自
立結草為門因就營築焉故其城直周三十七里
為九門故城處為東城

新刻博物志卷之八

明 胡文煥 德父 校

新刻博物志卷之八

晉 張華 茂先 撰

明 胡文煥 德父 校

史補

黃帝登仙其臣左徹者削木象黃帝即諸侯以朝之
七年不還左徹乃立顓頊左徹亦仙去也
堯之二女舜之二妃曰湘夫人舜崩二妃啼以涕揮
竹竹班

處士東嵬嵬責禹亂天下事禹退作三章疆者攻弱
者守敵戰城郭蓋禹始也

大如夢見商之庭產棘乃小子發取周庭梓樹樹之
子闕聞梓化為松柏棫柞覺驚以告文王文王曰
慎勿言冬日之陽夏日之餘不召而萬物自來天
道尚左日月西移地道尚右水潦東流天不享於
殷自發之夫生于今十年禹羊在牧水潦東流天
下飛鴻滿野日之出地無移照乎

武王伐殷舍於幾逢大雨馬衰與三百乘甲三千一
日一夜行三百里以戰於牧野

成王冠周公使祝雍曰辭達而勿多也祝雍曰近於
民遠於侯近於義畜於時惠於財任賢使能陛下

禱顯先帝光耀以奉皇天之嘉祿欽順仲壺之言
曰遵並大道郊域康阜萬國之休靈始明元服推
遠童稚之幼志弘積文武之就德肅懃高祖之清
廟六合之內靡不蒙德歲歲與天無極右孝昭用
成王冠辭

止雨祝曰天生五穀以養人民今天雨不止用傷五
穀如何如何靈而不幸殺牲以賽神靈雨則不止
鳴鼓攻之朱綠繩繫而脅之

請雨曰皇皇上天照臨下土集地之靈神降甘雨庶
物羣生成得其所

禮記曰孔子少孤不知其父墓母亡問於鄒曼父之

母乃合葬於防防墓又崩門人後至孔子問來何

遲門人實對孔子不應如是者三乃潛然流涕而

止曰古不修墓蔣濟何晏夏侯玄王肅皆云無此

事注記者謬時賢咸從之周日用曰四士言無者

所見實未之有矣且徵在與梁紇野合而生事多

隱之况我丘生而父已死既隱何以知之非問曼

父之母安得孔子東遊見二小兒辯鬪問其故一小兒曰我以日

始出時去人近而日中時遠也一小兒曰以日出

而遠而日中時近一小兒曰日初出時大如車蓋

及日中時如盤盂此不為遠者小而大者近乎一

小兒曰日初出滄滄涼涼及其中而探湯此不為

近者熱而遠者涼乎孔子不能決也兩小兒曰孰

謂汝多知乎亦出列子周日用曰且當中之向近者

上而與旁暑其炎涼可悉耳是明初子路與子貢過鄭神社社樹有鳥神亭亭子路子貢

說之乃止

春秋哀公十有四年春西狩獲麟公羊傳曰有以告

者孔子曰孰為來哉孰為來哉盧曰以其時非應

麟曰生三策蓋

天使報聖人

左傳曰叔孫氏之車子鉏商獲麟以為不祥

燕太子丹質於秦秦王遇之無禮不得意思欲歸請於秦王王不聽謬言曰令烏頭白馬生角乃可丹仰而歎烏即頭白俯而嗟馬生角秦王不得已而遣之為機發之橋欲陷丹丹驅馳過之而橋不發遁到關關門不開丹為雞鳴於是眾雞悉鳴遂歸詹何以獨繭絲為綸芒斜為鈎荆篠為竿割粒為餌引盈車之魚於百仞之淵汨流之中綸不絕鈎不申竿不撓

薛譚學謳於秦青未窮青之旨於一日遂辭歸秦青

乃餞於郊衢撫節悲歌聲震林木響遏行雲薛譚乃謝求返終身不敢言歸秦青顧謂其友曰昔韓娥東之齊遺糧過雍門鬻歌假食而去餘響遶梁三日不絕左右以其人弗去過逆旅凡人辱之韓娥因曼聲哀哭一里老幼喜歡抃舞弗能自禁乃厚賂而遣之故雍門人至今善歌哭效娥之遺聲也

趙襄子率徒十萬狩於中山藉芳燔林扇赫百里有
人從石壁中出隨煙上下若無所之經涉者襄子
以為物徐察之乃人也問其奚道而處石奚道而

入火其人曰奚物為火其人曰不知也魏文侯問
之問於子夏由彼何人哉子夏曰以商所聞於夫
子和者同於物物無得而傷閱者遊金石之間及
蹈於水火皆可也文侯曰吾子奚不為之子夏曰
刳心知智商未能也雖試語之而即暇矣文侯曰
夫子奚不為之子夏曰夫子能而不為文侯不悅
更羸謂魏王曰臣能射為虛發而下鳥王曰然可於
此乎曰聞有鳥從東來羸虛發而下之也

澹臺子羽子溺水死欲葬之滅明曰此命也與螻蟻
何親與魚鼈何讎遂使葬於水

列傳云聶政刺韓相白虹為之貫日要離刺慶忌慧

星襲月

專諸刺吳王僚鷹擊殿上

齊桓公出因與管仲故道自燉煌西涉流沙往外國
沙石千餘里中無水時則有沃流處人莫能知皆
乘駱駝駱駝知水脉遇其處輒停不肯行以足蹋
地人於其蹋處掘之輒得水

楚熊渠子夜行射窮石以為伏虎矢為沒羽

漢武帝好仙道祭祀名山大澤以求神仙之道時西
王母遣使乘白鹿告帝當來乃供帳九華殿以待

之七月七日夜漏七刻王母乘紫雲車而至於
西南面東向頭上戴七種青氣鬱鬱如雲有三青
鳥如烏大使侍母旁時設九微燈帝東面西向王
母索七桃大如彈丸以五枚與帝母食二枚帝食
桃輒以核著膝前母曰取此核將何爲帝曰此桃
甘美欲種之母笑曰此桃三千年一生實唯帝與
母對坐其從者皆不得進時東方朔竊從殿南廂
朱鳥牖中窺母母顧之謂帝曰此窺牖小兒嘗三
來盜吾此桃帝乃大怪之由此世人謂方朔神仙
也

君山有道與吳包山潛通上有美酒數斗得飲者不
死漢武帝齋七日遣男女數十人至君山得酒欲
飲之東方朔曰臣識此酒請視之因一飲致盡帝
欲殺之朔乃曰殺朔若死此爲不驗以其有驗殺
亦不死乃赦之

曾子曰身子不學古知之夫貧者不勝其憂富者
不勝其樂

昔西夏仁而去兵城郭不修武士無位唐伐之西夏云昔者玄都賢鬼神道廢人事其謀臣不用龜策是從忠臣無祿神巫用國

榆烟氏之君孤而無使曲沃進伐之以亡

昔有巢氏有臣而責任之專國主斷已而奪之臣怒而生變有巢以民昔者清陽彊力貴美女不治國而亡

昔有洛氏宮室無常囿池廣大人民困匱商伐之有洛以亡

神仙傳曰說上據辰尾為宿歲星降為東方朔傳說

死後有此宿東方生無歲星

魯子曰好我者知吾美矣惡我者知吾惡矣

思士不妻而感恩女不夫而孕后稷生乎巨跡伊尹生乎空桑

箕子居朝鮮其後伐燕之朝鮮亡入海為鮮國師兩妻墨色珥兩青蛇蓋勾芒也

漢興多瑞應至武帝之世特甚麟鳳數見王莽時郡國多稱瑞應歲歲相尋皆由順時之欲承旨求媚多無實應乃使人猜疑

子胥伐楚燔其府庫破其九龍之鍾

著一千歲而三百莖其本以老故知吉凶著末大於本為上吉莖必沐浴齋潔食香每日望浴著必五日而牧占四華陶陶曰吉昔夏后莖乘飛龍而登于徒之

昔舜莖登天為神牧占有黃龍神曰不吉武王伐殷而牧占著老著老曰吉桀莖伐唐而牧占熒惑曰不吉昔鮌莖注洪水而牧占大明曰不吉有初無後

著末大於本為卜吉次蒿次荆皆如是龜著皆月望

浴之

水石之恠為龍罔象木之恠為夔魍魎王之恠為獫羊火之恠為宋無忌

鬪戰死亡之處其人馬血積年化為燐燐著地及草木如露略不可見行人或有觸者著人體便有光拂拭便分散無數愈甚有細咤聲如炒豆唯靜住良久乃滅後其人忽忽如失魂經日乃差今人梳頭脫著衣時有隨梳解結有光者亦有咤聲

風山之首方高三百里風穴如電突深三十里春風自此而出也何以知還風也假令東風雲反從西

來訖訖而疾此不旋踵立西風矣所以然者諸風皆從上下或薄於雲雲行疾下雖有微風不能勝土上風來到反矣

春秋書饑鼠食郊牛牛死鼠之類最小者食物當時不覺痛世傳云亦食人項肥厚皮處亦不覺或名甘鼠俗人諱此所嚙衰病之徵

鼠食巴豆三年重三十斤

新刻博物志卷之九

新刻博物志卷之十

晉張華茂先撰

明胡文煥德父校

雜說下

婦人妊娠未滿三月著墻衣冠平旦左遶井三匝映詳

影而去勿反顧勿令人知見必生男周日用曰知女則可依法或先

是男如何余聞有法定母年月日與受胎時日算之遇奇則為男遇偶則為女知為女後即可依法

婦人妊娠不欲令見醜惡物異類鳥獸食當避其異

常味不欲令見熊羆虎豹御及鳥射射雉食牛心

白犬肉鯉魚頭席不正不坐割不正不食聽誦詩

書諷詠之音不聽淫聲不視邪色以此產子必

明端正壽考所謂父母胎教之法盧氏曰子之得

仁聖謂錯亂之年則故古者婦人妊娠必慎所感

感於善則善感於惡則惡矣妊娠者不可啖兔肉

又不可見兔令兒唇缺又不可啖生薑令兒多指

異說云瞽瞍夫婦凶頑而生舜叔梁紇淫夫也徵在

失行也加又野合而生仲尼焉其在有胎教也盧

曰夫甲及寅申生者聖以年在歲德在甲寅壬申

生者則然矣亦由先天也亦由父母氣也古者元

豫章郡衣冠人有數婦暴面於道尋道爭分銖以給

氣清故多聖今者俗淫陰濁故無聖人也

其夫與馬衣資及舉孝廉更取富者一切皆給先

者雖有數年之勤婦子滿堂室猶放黥以避後人

諸遠方山郡幽僻處出蜜蠟人往往以桶聚蜂每年

一取

遠方諸山蜜蠟處以木為器中開小孔以蜜蠟塗器

內外令遍春月蜂將生育時捕取三兩頭著器中

蜂飛去尋將伴來經日漸益遂持器歸

人藉帶眠者則夢蛇

烏啣人髮夢飛

王爾張衡馬均昔肩重霧行一人無恙一人病一人

死問其故無恙人曰我飲酒病者食死者空腹
以冷水水自漬至膝可頓啖數十枚瓜漬至腰啖
入轉多至頸可啖百餘枚所漬水皆作瓜氣味此事
未試人中酒不解治之以湯自漬即愈湯亦作酒
氣味也

劉玄石於中山酒家酤酒酒家與千日酒忘言其
節度歸至家當醉而家人不知以為死也權葬之
酒家計千日滿乃憶玄石前來酤酒醉向醒耳往
視之云玄石亡來三年已葬於是開棺醉始醒俗
云玄石飲酒一醉千日

舊說云天河與海通近世有人居海渚者年年八月
有浮槎去來不失期人有奇志立飛閣於查上多
齎糧乘槎而去十餘日中猶觀星月日辰自後芒
芒忽忽亦不覺晝夜去十餘日奄至一處有城郭
狀屋舍甚嚴遙望宮中多織婦見一丈夫牽牛渚
次飲之牽牛人乃驚問曰何由至此此人具說來
意并問此是何處答曰君還至蜀郡訪嚴君平則
知之竟不上岸因還如期後至蜀問君平曰某年
月日有客星犯牽牛宿計年月正是此人到天河
時也

人有山行墮深澗者無出路饑餓欲死左右見者
甚多朝暮引頸向東方人因伏地學之遂不餓體
殊輕便能登巖岸經數年後鍊身舉臂遂超出澗
上即得還家顏色悅澤頰更黠慧勝故還食穀啖
滋味百餘日中復本質曰昔由是北山八具
天門郡有幽山峻谷而其上人有從下經過者忽然
竊出林表狀如飛仙遂絕迹年中如此甚數遂名
此處為仙谷有樂道好事者入此谷中洗沐以求
飛仙往往得去有畏意思人疑必以妖怪乃以大
石自墜崖一火入谷中火復飛去其人還告鄉里

募數十人執杖搗山草伐木至山頂觀之遙見一
物長數十丈其高隱人耳如簸箕格射刺殺之所
吞人骨積此左右有成封蟒開口廣丈餘前後失
人皆此蟒氣所喻上於是此地遂安穩無患

入皆出難原所論士分其出此道其意無患
吞入骨蘇此式亦如桂鞞開口廣文翁前卷
味身燻十丈其高則入耳以燻其味博陳錄之
薰燻十八拜林蘇山草外木是山真贖之也見一

張茂先嘗采歷代四方奇物異事著博物志四
百晉武帝以其太繁俾刪為十卷今所傳本是
也茂先讀書二十車其辨龍鮓識劍氣人以為
博學所致是書固君子之不可廢與第未知武
帝之俾刪者何說而所存止於是也夫覆載之
間何所不有人以耳目之不接一切疑之而不
信非也論語記子不語恠恠固未嘗無也聖人
特不語以示人耳姑蘇都穆記

學不遠及於人其法雖難

今世之論者曰其法難也曰其法易也

曰其法難也曰其法易也

曰其法難也曰其法易也

曰其法難也曰其法易也

曰其法難也曰其法易也

曰其法難也曰其法易也

曰其法難也曰其法易也

馬

